

曝書亭詩集注

乙卯夏日
葭齋題



曝書亭集詩註卷五

嘉興 楊謙 纂

秀水 吳光昭 參

昭陽單閼

卯癸

永嘉元日

官舍紅梅放繁枝一樹春誰憐元日會

(杜甫詩)舊時元日會鄉黨羨吾廬

無復故鄉人

元夕寄故鄉諸子

戍鼓動高城青燈暖虛壁為報故園人天涯此元夕

山雪

山雪消猶未江梅凍已殘龍蛇翻遠蟄

(易)尺蠖之屈以求伸也龍蛇之蟄以存身也

烏雀漂

(梅里詩)鈔作靜

相看短服裝綿少

(杜甫詩)衣冷欲裝綿

深杯入手乾

(孟浩然詩)當杯已入手

今宵聞擊柝轉憶北城

寒

夢中送祁六出關

酌酒一杯歌一篇

白居易池上篇時飲一杯或吟一篇

沙頭落葉何紛然胡方此去幾時返南浦

送君真可憐遼海月明霜滿野陰山風動草連天

史記秦本紀自榆中並河以東屬之陰山通典陰山唐為

安北都護府北史北齊神武使斛律金唱勅勒敕勒川陰山下天似穹廬籠蓋四野天蒼蒼野茫茫風吹草低見牛羊

紅顏白髮雙愁汝

按祁六母商氏名景蘭字媚生妻朱氏名德蓉字趙璧皆善吟詠

欲寄音書何處傳

李白詩欲寄音書那可聞

憶河豚二首

本草河豚江淮河海皆有之腹白背有赤道如印目能開闔觸物即嗔怒腹脹如氣鍊故人以物撩而取之

正月河豚美嘗時下箸貪未應居海曲翻遣憶江南野老匙真滑

杜甫詩老人他日愛正想

滑流匙

西施乳更甘

藝苑雌黃吳人珍之目其腹腴為西施乳

還持春酒榼爛醉與朋簪

下若槎頭鱸松江巨口鱸

蘇軾赤壁賦巨口細鱸狀如松江之鱸

嘉魚吾所欲美味爾終輸一食

輕生慣

輟耕錄東坡先生在資善堂與人談河豚之美云據其味真是消得一死

頻年入饌無故鄉弛海禁應得飽

春厨

賦得歸鴈寄曹使君雲中

萬里南來鴈歸飛又一羣三江重汎汎二月正紛紛顧影愁官燭（謝承後漢書）

刺史與客暗飲不然官燭懷書望浦雲關門他夜月應得故人聞（巴祗為揚州）

舍弟（薛鑒）遠訪東甌喜而作詩

急難逢令弟（詩兄弟急難謝靈運酬從弟惠連未路值令弟）訪我自江東頓喜羈愁豁兼聞道里通晴

江空翠裏春草亂山中知汝南來日西陵定遇風（謝惠連有西陵遇風獻康樂詩）

題朱十江東見弟詩後

諸九鼎

有客傳朱十江東見弟詩長城四十字孰敢近偏師

永嘉雜詩二十首

松臺山（浙江通志）郡治之西曰松臺山

蒼蒼山上松颯颯松根雨松子落空山朝來不知處

斜川

九曲斜川水（温州府志）永嘉東南有分流到海濱金釵河上月（府志）金釵河在鎮海門內

照浣紗人

(名勝志)相傳謝靈運游石門入沐鶴溪見有二女浣紗朝以詩

青牛塢

我行白鹿城

(名勝志)當晉立郡時乃跨山為城因名斗城及始事忽有白鹿銜花而至又名鹿城曉入青牛塢長嘯不逢

人松門已亭午

春草池

(府志)永嘉東南積穀山有春草池(歐江逸志)謝靈運西堂春草池在華蓋山下即夢惠連得句之所靈運嘗流觴于此今

遺跡尚存

謝公去已久空餘池上樓

(謝靈運登池上樓)池塘生春草園柳變鳴禽

春風園柳色朝夕使人愁

太玉洞

(浙江通志)華蓋山在郡治東下有容成洞為道書第十八洞容成太玉之天上有石龜池青牛谷丹井老松泉之勝(歐江

逸志)永嘉縣學在華蓋山下署中有一井甚古相傳仙子所開井上刻容成太玉洞天六字書法適古可愛相傳為王羲之書

亭亭五粒松

(名勝志)上有三生石五粒松(酉陽雜俎)松凡言兩粒五粒當其鬣五粒松皮不鱗

華蓋神君宅風吹寸草

生依然綠袍色

(古詩)青袍似春草長條從風舒

東山

(方輿勝覽)東山在子城西南二里一名海壇

判向花前醉何難典縕袍江南春可樂策馬自蘭皋

(楚辭)步余馬於蘭皋兮

南亭

(方輿勝覽)南亭在郡南一里許

薄雲雨初霽返照南亭夕如逢秋水生我亦西歸客

(謝靈運遊南亭)遊將候秋水息景偃舊崖

西射堂

(浙江通志)西射堂在城西南一十里或云亦謝靈運所建靈運嘗鳴琴其中超然有物外之想

已見官梅落還聞谷鳥啼

(王維詩)已見寒梅發復聞啼鳥聲

愁人芳草色綠徧射堂西

北亭

(方輿勝覽)北亭在州東五里圖經云太守謝靈運於此與吏民別詩云云

日落空水深潮迴春岸白時有看山人江南望江北

孤嶼

孤嶼題詩處中川激亂流

(謝靈運登江中孤嶼)亂流趨正絕孤嶼媚中川

相看風色暮未可纜輕舟

謝客巖

(見卷四)舟行

朝看白雲飛暮看白雲宿聞有山阿人曾歌白雲曲

花柳塘

山雪初消盡春塘亂水喧州人還幾日相見樂游原

(西京雜記)漢宣帝樂遊原一名樂遊苑亦名樂遊原

基地最高四望寬敞

吹臺

(浙江通志)吹臺山在縣南二十里廣袤二十餘里上有王子晉吹笙臺(西峯字說)上有飲雀泉石池生椅桐及笙簫竹梁印進

為守採琴料寄吳興柳惲即此山也

仙人留吹臺近在南山麓上有半死桐

(梅乘七發)龍門之桐高百尺而無枝其根半死半生

下有孤生竹

(周禮)孤竹之管注竹特生者(古詩)冉冉孤生竹

吳橋港

(府志)吳橋在永嘉縣十都(葉適詩)對面吳橋港西山第一家有林皆橘樹無水不荷花

聞說吳橋港荷花百里開當年王內史五月權船迴

(方輿勝覽)郡志自百里坊至平陽嶼一百里皆荷花

王羲之自南門登舟賞荷花即此也

白水漈

(温州府志)永嘉城北八里永寧山西厓有瀑名白水漈

雲峯斷人行活活風泉落知有山桃花青春發紅萼

(謝靈運詩)山桃花發紅萼

斤竹澗

(謝靈運遊名山志)神子溪南山與七里山分流去斤竹澗數里

谷口啼清猿巖花泣深露

謝靈運從斤竹澗越嶺溪行猿鳴誠知曙谷幽光未顯巖下雲方合花上露猶泣

美人兮不

來風望自朝暮

瞿谿

名勝志岷岡山在城西三十五里宋邑人戴溪築室其上稱岷隱先生以此亂峯環簇如蓮花瓣深潭邃谷郭溪之水出焉郭

溪之水繞于瞿谿山又繞雄溪山合流入會昌湖

鳥驚山月落樹靜谿風緩法鼓響空林已有山僧飯

見卷四黃龍寺

華嚴山

浙江通志羅峯山立於羅溪之上又三里曰華嚴山王羲之帖云近得華嚴石塊頗佳即此巖也

聞昔華嚴寺頻經逸少過洮河流石研

宋史河渠志黃河至積石經河州過臨洮合洮河東北流至蘭州始入中國洮

天清錄除端歛二石外惟洮河綠石北方最貴重綠如藍潤如玉發墨不減端溪下巖

未若此中多

上戍渡

溫州府志永嘉江在十三浦一曰上戍渡

月露下檣烏天風靜江樹何處夜歸人歷歷沙中語

綠嶂山

甌江逸志郭若虛畫論有陶宏景永嘉邑居圖考之地志如木流輿永寧山綠嶂山白泉烏石均為宏景流寓之區見有

遺跡存焉

谿山百里陰霜葉鳴瑟瑟試鼓邱中琴定有幽人出

雨

城晚吹煙霧風迴渡水雲入林初漠漠潤礎旋紛紛

(淮南子)山雲蒸柱礎潤

響愛青荷葉

涼思白練裊西堂有官燭

(溫州府志)府內有西堂即謝靈運夢弟惠連得池塘生春草之句處

更遣夜深聞

(杜甫詩)應

得夜深聞

七夕

遠客清樽夕虛堂玉露秋關山頻北望河漢已西流

(杜甫十六夜詠月)舊挹金波爽皆傳玉露秋關山隨

地濶河漢近人流

葉落他鄉樹砧催故國樓

(孟浩然詩)不見穿針婦空懷故國樓

今宵看織女未必詣牽

牛

(續齊諧記)桂陽成武丁有仙道謂其弟曰七月七日織女當渡河諸仙悉還宮吾向已被召不得停與爾別矣弟問曰織女何事渡河曰織女暫詣牽牛

明日失武丁至今云織女嫁牽牛

東甌王廟

(史記東越傳)孝惠三年舉高帝時越功曰閩君搖功多其民便附乃立搖為東海王都東甌世俗號東甌王(先生東甌王

廟碑)歲在癸卯予游永嘉乃得謁王之廟於縣治之東華蓋山之下

九牧維揚外

書六卿分職各率其屬以倡九牧又淮海惟揚州

三江霸越餘

王勾踐之後同長沙王吳芮率百越師從漢祖入關

楚滅入關從漢約

見卷四劉文成祠

遵海裂秦墟豪俊宜如此艱難氣不除

魏志張邈傳元龍湖海之

士豪氣

策功巨項籍分壤接無諸

史記東越傳閩越王無諸及越東海王搖者其先皆越王勾踐之後也姓騶氏秦已并天

下皆廢為君長以其地為閩中郡及諸侯畔秦無諸搖率越歸鄱陽令吳芮從諸侯滅秦漢擊項籍無諸搖率越人佐漢漢五年復立無諸為閩越王王閩中

故迹異尊黃屋

見卷二越王臺

忠能奉簡書長沙堪伯仲

見越王臺

百濮定何如

左傳麋人率百濮伐

楚萬古開王會孤城指帝車

永嘉城象北斗號斗城運於中央名勝志晉郭璞謂郡城象斗者華蓋松

臺郭公海壇四山為斗魁積穀巽吉仁王靈旂存髣髴過客盡歛歛殿瓦年頻

三山為斗柄黃土靈官二山為輔弼也

靈旂存髣髴過客盡歛歛殿瓦年頻

圻霜林日漸疎躑躅山鬼立

王延壽魯靈光殿賦虬龍騰驤以蜿蜒蟺領若動而躑躅

苔蘚石堂虛側想風

雲會

後漢二十八將傳論前世以為上應二十八宿末之詳也然能感會風雲奮其志勇稱為佐命亦各志能之士也

乘時草昧初遠

途今日暮

史記伍子胥傳吾日暮途遠

下拜獨躊躇

華陽精舍贈源上人

般若經佛言若菩薩一心行阿耨菩提心不散亂是名上人

支公櫪上馬

世說支道林嘗養數匹馬或言道人畜馬不韻支曰貧道重其神駿耳

謝客郡東山繫馬林亭外看

山日暮還瑤華猶未折

謝靈運瑤華未堪折

桂樹尚堪攀試醉陶潛酒

高僧傳僧惠遠居廬山東林寺與劉

遺民等十八賢同修淨土中有白蓮池因號蓮社以書招陶淵明淵明若許飲酒即往師許之遂造焉

狂歌白石間

郡東山對月有懷周四

吉亥

陳大忱吳二

周瑾浙江通志温州府治東華蓋山一名東山吳

字虎文秀水廩生

白露侵亭幔涼煙滿桂叢如何秋色裏不與故人同蕭颯聞風葉飛揚見羽蟲南樓滅明燭佇望海雲東

秋日對酒江心寺同高石埭

駿升作二首

浙江通志縣北曰孤嶼山在永寧江中東西兩峯相峙其

麓有江心寺高秀水人順治丙戌舉人官石埭知縣池州府石埭縣漢丹陽地梁石埭

謝監尋山日江童擊汰迎

楚辭齊吳榜以擊汰

寒潮天外落秋草渡頭生歷覽窮孤嶼

謝靈運

登江中孤嶼江南倦歷覽

逍遙倚化城

法華經有一道士以方便力化作一城於是衆人盡入化城

行厨深樹裏乳酒

正須傾

升菴外集孝經緯曰酒者乳也梁張率對酒詩如花良可貴似乳更堪珍杜甫詩山城乳酒下青雲本此

驟雨連山暗回風病葉飛入林初緩帶改席忽沾衣客醉從高枕川長得斷磯

扁舟憐范蠡鰕菜久忘歸

(杜甫詩)鰕菜忘歸范蠡船(述異記)洞庭湖中有釣洲昔范蠡乘扁舟至此遇風釣于洲上刻石記焉有一

陂陂中有范蠡魚

雨

斷續江天雨涼風滿戶庭轉添秋草綠更洗暮山青積霧猶沉樹明河早見星
南亭有歸客朝夕待揚舲

夜渡永嘉江入黃畧

(名勝志)永寧江在北門外舊名慎江一名蜃江集異記云唐元和中韋宥于江許沙中得箏絃引之

蜿蜒舒展投江中化白龍飛去故稱蜃江一名永嘉江

絕岸蒼茫水窮山斷續風雨歸沉黑蜃

(淮南子)子牛粹毛宜于廟牲其致雨不若黑蜃(高誘曰)黑蜃虵也潛于神泉能

致雲雨

川暝失丹楓華髮垂垂短悲歌處處同最憐中澤裏深夜有哀鴻

(詩)鴻雁于飛集

于中澤

送吳二先輩還漢陽

漢南歸思遶晴川湓浦西風送客船

(廬山記)江州有青盆山故其城曰湓城浦日湓浦(二統志)湓浦在今九江府城西

莫上武昌門外望斷腸楊柳似當年

(晉書)陶侃鎮武昌嘗課諸營種柳都尉莫施盜官柳植之於己門侃後見駐車問曰

此是武昌西門前柳何因盜來施惶怖謝罪

九月十四日夜對月

坐惜如珪月

(江淹別賦)懷人歷九秋(梁元帝纂要)秋秋月如珪

關山仍遠道西北有高樓

見卷四

苦憶前溪別

(見卷四)吳興客夜

應添少婦愁

(王昌齡詩)閨中少婦不知愁

清輝憐玉臂

(杜甫月夜)

香霧雲鬟溼清輝玉臂寒

獨自下簾鉤

返照

返照開寒峽江城入翠微明霞飛不落獨鳥去還歸是處聞吹角高樓尚曝衣

(西京雜記)太液池西有武帝曝衣樓七月七夕宮女出后衣曝之

山家多畏虎應各掩柴扉

孤嶼亭對月

皎月空江滿寒雲萬里收纖毫瞻顧免

(楚辭)夜光何德死則又育厥利維何而顧免在腹

恍忽動潛蚪

望遠高樓笛行歌半夜舟

(杜甫詩)半夜有行舟

南征有鴻雁相傍宿沙頭

雨渡永嘉江夜入枹溪

（浙江通志）永嘉記云秦時從海上浮來相近曰永寧山又名麻江山峯巒相屬綿亘數里下有

溪曰枹溪

落日下崦嵫

（淮南子）日入崦嵫經細柳入虞泉之地

飛雨自崇墉駕言出北郭汎舟橫東江近岫

既凌緬

（謝靈運詩）登棧亦凌緬

遙岑亦濛籠蕙青水竹交乃有樵徑通潛蚪寒載蟄海鷗

夕來雙顧望雲葉開張星昏已中

（淮南子）昏張中則務種穀（晉書）天文志張六星主珍寶宗廟所用及衣服又主天厨飲食

賞賚之事星明則王者行五禮得天之中

荒岡響哀狄枉渚遵輕鴻故鄉日以遠川路靡克終寄言

辟蘿客歲宴期來同

題廊下村主人壁

江城獨客一千里海月愁人十上絃夢裏還家無長物天涯歸思逼殘年飢寒

僮僕今何有雨雪關山劇可憐珍重主人投轄飲幾回把酒意茫然

（杜甫詩）把酒意茫然

華壇望鴈宕山歌贈方十三

朱生

朱十八

振嘉

（夢溪筆談）温州鴈蕩山天下奇秀然自古圖牒

未有言者祥符中因造玉清宮伐山取材方有人見之此時尚未有名按西域書阿羅漢諾矩羅讚有鴈蕩經行雲漠漠龍湫晏坐雨濛濛之

句此山南有芙蓉峯有芙蓉驛前瞰大海然未知鴈蕩龍湫所在因伐木始見此山頂有大池相傳以為鴈蕩下有二潭水以為龍湫又有經行峽晏坐峯皆後人以貫休詩名之也
浙江通志鴈蕩山在樂清縣東九十里高四十里上有湖方可十里水常不涸春鴈歸時多宿於此故名

我昔逢羽人迢迢歷滄海貽我神山鴈宕圖玉笈金箱至今在

王勃詩玉笈三山記金箱五岳

圖夢想忘歸亭上游

溫州府志雁山有忘歸亭

琪花瑶草幾春秋

十洲記仙家琪花瑶草

崩流一萬丈

濯足大龍湫

薛應旂鴈蕩山志山有大小龍湫大龍湫在西谷自石壁絕頂瀉下高五十丈隨風旋轉變態百出小龍湫在東谷從巖溜中飛流

而下高邇來作客荒山道
杜甫詩三年飢走荒山道

欲往層崖事幽討

杜甫詩脫身事幽討

方君遇我

顏色親朱子更覺人情好

杜甫詩相逢攬環結珮山澤間

杜甫詩攬環結珮相終始樂酒今

夕須歡顏

詩樂酒令夕

登華壇之絕頂眺鴈蕩之迴巒雲容容兮欲雨

楚辭表獨立兮山之雲

容容兮

而在水嘈嘈兮下山遙岑出沒不可以悉數但見哀禽離獸日暝而俱還君

不見宗少文當年意興真軼羣名山臥遊不得見眼前圖畫空紛紛

梁書宗炳傳字少文

妙琴書工圖畫遠公結白蓮社炳其一也
以疾還江陵乃作諸名山圖于室曰惟當此可卧游耳

君不見謝康樂傳襲封康樂

候跡近名山遠城郭咫尺丹梯竟未登沈存中雁山記謝靈運守嘉日佳山水遊歷殆遍獨不言此山蓋當時未有雁

蕩之名江南江北徒邱壑我今得偕二子從遙看一百二高峯歐江逸志鴈蕩山有東西内外谷諸

峯險怪皆包在諸谷之中嶺外望之都無所見東外谷之峯五東内谷之峯四十八西内谷之峯與西外谷之峯各二十有四建寺十有八陸深鴈山圖記東

谷之峯五十有三西谷之峯四十有八謂之百一峯彈琴坐待天邊月攜手同行石上松荆榛極天路參

錯惆悵平生遠遊諾謝靈運詩始果遠遊諾安得仙人相贈九節筇列仙傳王烈曾受赤城老人九節蒼藤杖

行地馬不能追杜甫詩安得仙人九節杖招爾雲中兩黃鶴

病橘

病橘何年植巡簷許數過他鄉淹歲月此樹漸婆娑晉書殷仲文傳此樹婆娑無復生意滿院飛

蟲繞空庭落日多向來懷袖意吳志陸績傳年六歲謁見袁術登筵懷橘拜而墜地術問其故曰將以遺母術甚奇之華

實竟蹉跎

西陵後感舊

潘安曾對酒見卷四西陵感舊吳質數論文魏志吳質字季重濟陰人以文才為文帝所善為朝歌長官至振威將軍魏文帝有

與朝歌令
吳質書

舊史悲難續斯人意不羣一為江海別

司空曙詩故

遽作死生分

商

隱詩失望
死生分

淒斷山陽笛那堪歲歲聞

文丞相祠

浙江通志孤嶼山麓有江
心寺寺中有文丞相祠

尚憶文丞相當年此誓師

廣輿記天祥自鎮江浮海至溫寓江心寺欲號召豪
傑從海道為戰守計當國者沮之留詩寺中而去

計成猶轉戰事去祇題詩

文天祥江心寺孤臣涕淚
如此水恨不從帝堦峒遊

竹柏空祠屋牲牢尚歲時

鵠夸他日恨異代有同悲

謂永嘉諸生
鄒維則也

歸次臯亭山作

臨安志臯亭山唐書地理志錢塘縣有臯亭山
祥符經云今屬仁和縣在縣之東北二十里

去年雨雪桃花嶺

見卷四錄丹
楓驛曉行

此日煙波樵李船相值臯亭山上月離家一十

二迴圓

于鄴詩家去幾千
里月圓十二迴

滄江游子愁心劇白髮高堂望眼穿

白居易詩白頭
吟處變青眼望

中行李自憐垂橐返田園生計轉茫然

梅里詩鈔作逢
人羞澀一囊錢

閱逢執徐

甲辰

別李

繩遠按李斯年於是
年六月之滇南